

ընտրութեամբ օխվալայի պաշտոնն ստանձնելու առաջարկը՝ դա իրեն համար մեծ անպատվութիւն համարելով³: Ուրիշներն էլ նույն վերաբերմունքն ունեցան: Նոր օրենքը գործադրվում էր խարխափելով: Այս հանգամանքների մեջ բավական երկար ժամանակ պահանջվեց՝ նախկին խանութիւններում արտոնյալ դասակարգի անդամների իրավական դրութիւնը վերջնականապէս կանոնավորելու համար, առավել, որ դա շաղկապված էր նախկին իրավակարգի մեջ նրանց ստացած եկամուտների հետ:

Այդ եկամուտների պատշտովումը աչքի առաջ ունենր ցարական կառավարութիւնն իր հաջորդ միջոցառումները նախագծելիս: Սենատոր Հանի մշակած օրենքի ձևափոխումն էր նաև այն կարևոր լրացումը, որով ոչ միայն վերականգնվում էին կալվածատերերի և նրանց հողերի վրա ապրող գյուղացիների հարաբերութիւնների հին կարգերը, այլև զգալի շափով ընդարձակվում էին կալվածատերերի վարչական, մանավանդ դատական իրավունքները: Ճիշտ է, վերացված էր մահալական և այլ տեսակի մեքիքների ու խոշոր կալվածատերերի իրավասութիւնն իրենց սեփականութիւնը կազմող կալվածքներից դուրս: Սակայն այդ սեփական կալվածքներում վերապահված էր և ուժեղացրած նրանց պատասխանատվութիւնը հասարակական հանգստութիւնը և ապահովութիւնը պահպանելու գործում: Դրա դիմաց տրվեց որոշ հավելյալ եկամուտ ստանալու իրավունքը: 1846 թ. դեկտեմբերի 6-ին բարձրագույն հաստատված օրենքով⁴ հրամայված էր խաների, բեկերի, աղալարների և մահմեդական բարձր դասակարգի այլ անձանց, նույնպես և հայ մեքիքների սեփականութիւն համարել բոլոր այն հողերը, որոնց տիրում էին նրանց տոհմերը Ռուսաստանին միացնելու միջոցին և որոնք մինչև այդ օրը գտնվում էին նրանց անվիճելի տիրապետութիւնն⁵ ներքո: Այդ բոլոր հողերը նրանք կարող էին կարգավորել, կտակել և օտարացնել⁶, ում որ ուզենային: Այդ հողերի վրա ապրող գյուղացիներին պետք էր թողնել ներկա բնակութեան վայրում, պարտավորեցնելով, որ կատարեն որոշ պարտավորութիւններ հողատիրոջ օգտին որպէս հատուցում նրա հողերի օգտագործման դիմաց, իսկ հողատիրոջը պիտի վերապահվեր գյուղացիներին վարչապէս կառավարելու իրավունքը:

Այս օրենքը ընդարձակեց մահմեդական բարձր դասակարգի հողատիրութիւնը: Այն հողերը, որոնք խանական կառավարութեան ժամանակ և մի քանի տասնամյակ այնուհետև համարվում էին նրանց ժամանակավոր, պայմանական և այլ և այլ սահմանափակումներով օգտագործվող կալվածքներ, հայտարարվեցին նրանց և նրանց ազգականների ժառանգական սեփականութիւն: Նրանք դառնում էին այդ հողերի լիակատար տեր և տնօրեններ:

Մի քանի ամիս անց, 1847 թ. ապրիլի 20-ին բարձրագույն հավանականութիւնն ստացավ կանոնադրութիւնը⁷, որը ավելի ճիշտ որոշում էր կալվածատերերի և գյուղացիների փոխհարաբերութիւնները: Որպէս կալվածատիրոջ հողերի ժառանգական կապալառուներ՝ գյուղացիք պիտի նրան վճարեին մուլուչանաթ, այսինքն տասներորդը արտերի, ազգիներու և բանջարանոցներու բերքերից, եթէ գյուղացին իր միջոցներով է բոլոր աշխատանքները կատարել:

³ Լալայեան Ե., Զանգեզուր, էջ 11:

⁴ «Второе полное Собрание законов», т. XXI, № 20 678.

⁵ Владение.

⁶ Отчуждать.

⁷ «Второе полное Собрание законов», т. XXII, № 21 825.